

## 贾谊过秦论上

## 西汉文

秦孝公据殽函之固、拥雍州之地、君臣固守、以窥周室、殽、山名、谓二殽。函、函谷关也。拥、亦据也。雍州今陕西、

固守、坚守其地也。周室、天子之国。秦欲窥而取之。有席卷卷、天下包举宇内囊括四海之意、并吞八荒之心。

括、结囊也。八荒、八方也。○四句只一意、而必叠写之者、盖极言秦先虎狼之心、非一辞而足也。当是时也、商君鞅。卫鞅。佐之、内立法度、务耕织、

修守战之具、外连衡横、而斗诸侯、连六国以事秦、而使之自相攻斗。于是秦人拱手而取西河之

外。拱手而取、言易也。西河、魏地名。○秦之始强如此。孝公既没、惠文武昭、孝公卒、子惠文王立、卒、子武王立、卒、立异母弟、是昭襄王也。蒙故业、因

遗策、南取汉中、西举巴蜀、东割膏腴之地、收要害之郡。汉中巴蜀三郡、并属益州。膏腴、土田良沃也。要害、山川

险阻也。○秦之又强如此。诸侯恐惧、会盟而谋弱秦、不爱珍器重宝肥饶之地、以致天下

之士、合从宗、缔交、相与为一。以一离六为衡、以六攻一为从、故衡曰连、从约合。缔、结也。○正欲写秦之强、忽写诸侯作反衬。当此之时、

齐有孟尝、田文。赵有平原、赵胜。楚有春申、黄歇。魏有信陵。无忌。此四君者、皆

明智而忠信、宽厚而爱人、尊贤而重士。

极赞四君。以反衬秦之强。

约从离横、兼韩、魏、

燕、赵、宋、卫、中山之众、于是六国之士、有宁越

赵人。

徐尚

未详。

苏秦

洛阳人。

杜

赫

周人。

之属为之谋、齐明

东周臣。

周最

周君子。

陈轸

秦臣。

召邵、滑

依、楚臣。

楼缓

魏相。

翟景

未详。

苏厉

苏秦弟。

乐毅

燕臣。

之徒通其意、吴起

魏将。

孙臆

频上声、孙武之后。

带佗

驼、未详。

兒倪、良王廖

留、吕氏春秋曰、王廖贵先、兒良贵后、此二人

者、皆天下之豪士也。

田忌

齐将。

廉颇赵奢

皆赵将。

之伦制其兵。

此段申明以致天下之士一句、极写诸侯得人之盛、以反衬秦之强。

尝以什倍之地、

百万之众、叩关而攻秦、

叩、击也。关、函谷关。

从缔交、相与为一句、作一逼、紧峭。

○此正接前合

秦人开关而延敌、九国之

师、遁逃而不敢进、秦无亡矢遗镞

族、

之费、而天下诸侯已困矣。九国、谓齐楚韩魏燕赵宋卫中山也。

镞、箭镞也。○上写诸侯谋弱秦、何等忙、此写秦人困诸侯、何等闲。

于是从散约解、争割地而赂秦、

初点连衡、次点合从、三叙约从离横、四叙从散约解、段落井然。

秦

有余力而制其弊、追亡逐北、伏尸百万、流血漂橧、

军败曰北。橧、大楫也。

因利乘便、

宰割天下、分裂河山、强国请服、弱国入朝。

极言秦之强、总是反跌下文。

施及孝文王、庄

襄王、昭襄王卒、子孝文王立、卒、子庄襄王立。享国之日浅、国家无事。虚叙带过。及至始皇、方说到始皇。奋六世

之余烈、六世、孝公惠文王武王昭王孝文王庄襄王。振长策而御宇内、吞二周而亡诸侯、履至尊而制

六合、执敲扑以鞭笞天下。振、举也。策、马箠也。振长策、以马喻也。二周、东西周也。履至尊、践帝位也。六合、天地四方也。敲扑、皆杖也。短曰敲、长曰扑。○四句亦只一意、极言始皇之强、

非一辞而足也。威振四海、南取百越之地、以为桂林象郡、百越、非一种也。桂林、今郁林。象郡、今日南。百越之君、

俛同俯、首系颈、委命下吏。言任性命于狱官也。○极写始皇之强。乃使蒙恬、秦将。北筑长城、而守藩篱、

却匈奴七百余里、胡人不敢南下而牧马、士不敢弯弓而报怨。极写始皇之强。○前历言秦之强、以其善

攻、以下言始皇不善守。于是废先王之道、燔百家之言、以愚黔首。燔、烧也。百家言、经史之类。黔、黑也。秦谓民为黔首、以其头黑也。隳

名城、杀豪俊、收天下之兵聚之咸阳、销锋鋌、的、铸以为金人十二、

以弱天下之民。隳、毁也。兵、戎器也。咸阳、秦都。锋鋌、兵刃也。始皇销锋鋌、为金人十二、重各千石、置宫廷中。○始皇愚民弱民、适所以自愚自弱、伏末仁义不施而攻守之势异一句。然后践华

为城、因河为池、断华山为城、因河水为池。据亿丈之城、临不测之谿以为固。叠上两句。良将劲

弩、守要害之处、信臣精卒、陈利兵而谁何。

何、问也。谁何、言谁敢问。○极形容始皇之强盛、比从前更自不同。

天下

已定、始皇之心、自以为关中之固、金城千里、子孙帝王万世之业也。

秦东有函谷关、南有峽关武关、西有散关、北有萧关、居四关之中、故曰关中。金城、言坚也。秦始皇曰、朕为始皇帝、后世以计数、二世三世、至于万世、传之无穷。○自废先王之道至此、正说秦皇之过、看来秦过、亦只是自愚自弱。

始皇既

没、余威震于殊俗。

殊俗、远方也。○临说尽、又一振、笔愈缓、势愈紧。

然而

二字一篇大转关。

陈涉瓮牖绳枢之子、氓隶

之人、而迁徙之徒也。

陈胜、字涉、阳城人。秦二世元年秋、陈涉等起。瓮牖、以败瓮口为牖也。绳枢、以绳系户枢。氓隶、贱称。迁徙之徒、谓涉为戍渔阳之徒也。

材能不及

中庸、

不及中等庸人。

非有仲尼墨翟之贤、陶朱猗顿之富。

范蠡之陶、自谓陶朱公、治产积十九年之间、三致千金。猗顿闻朱公富、往问术、十年间赀拟王

公。故富称陶朱、猗顿。○陈涉既非其人、又无其资。

蹶足行伍之间、

同勉

俛起阡陌之中、

同疲

率罢弊之卒、将数

百之众、

俛起、不得已而举事也。阡陌、道路也。○不成军旅。

转而攻秦、斩木为兵、揭竿为旗、

揭、高举也。斩木为兵、而无锋刃、举竿为旗、而无旌

幡。○不成器仗。

天下云集而响应、赢粮而景从、

同影

山东豪俊、遂并起而亡秦族矣。

云集响应、如云之集、如响之应也。赢、担也。景从、如影之随行也。○前写诸侯如彼难、此写陈涉如此易、反照作章法。

且夫

转笔会全神。

天下非小弱也、雍州之地、殽

函之固、自若也、陈涉之位、不尊于齐、楚、燕、赵、韩、魏、宋、

卫、中山之君也、锄耰棘

同戟

矜、

同矜、音芹。

不铢、于钩戟长铍、也、

耰、锄柄。矜、矛柄。铢、利也。铍、长矛。

谪戍之众、非抗于九国之师也、

涉谪戍渔阳。抗、敌也。

深谋远虑、行军用兵之道、非

及曩时之士也、

曩时、六国之士。○总承前文、两两比较、句法变换、最耐寻味。

然而成败异变、功业相反。

略作一顿。

试使

山东之国、与陈涉度长絜大、比权量力、则不可同年而语矣。

叠上意又作一颍、文势愈紧。

然

秦以区区之地、致万乘之权、招八州而朝同列、百有余年矣。

招、举也。九州之数、秦有雍州、余八州、皆

诸侯之地。○收前半篇。

然后以六合为家、殽函为宫。一夫作难、

陈涉为首倡。

而七庙隳、身死人

手、为天下笑者

死人手、谓秦王子婴为项羽所杀。收后半篇。

何也、仁义不施、而攻守之势异也。

结出一篇主意、笔力千钧。

过秦论者、论秦之过也。秦过只是末仁义不施一句便断尽、从前竟不说出。层次敲击、笔笔放松、正笔笔鞭紧、波澜层折、姿态横生、使读者有一唱三叹之致。